

61
4

ბ უ ლ ე ს

საქართველოს სახელმწიფო ბიბლიოთეკის საგანგებო

ქუთაისში


და 29/

30
1918/19

მისთვის სწავლას ცხოვრება-სიცოცხლეზედა.

ბუნებრივი რჯული.

ივ. რასტომაშვილის მიერ.



ბევრი ბრძენი და მოაზრე მოქ-
ვლენია კაცობრიობასთვის ხანგძლივ
ცხოვრებაში, მაგრამ განათლებ-
ბული ბუდდა უდიდესია.

თ ბ ი ლ ი ს ი

მსწრაფლ-მბეჭდავი არ. ვ. ქუთათელაძისა, ნიკ. ქ., № 21.

1905

Дозволено цензурою. г. Тифлисъ, 13-го Марта
1905 г.

გ უ ლ ლ ა

ღ ა

მისი სწავლა ცხოვრება-სიტყვებზედა.

I.

ძნელათ მოიბოვება დედა-მიწის ზურგზედ ისეთი ნაყოფიერი ქვეყანა, როგორც არის ინდოეთი. ცა იქ მუდამ კრიალა-ლურჯია და მხოლოდ ზოგჯერ, როცა ზღვის პირიდან დაუბერავს ძლიერი ქარი, წამოვა შხაპუნა წვიმა და სწრაფათ ააბიბინებს ქვეყანას მწვანითა. ინდუსებმა არ იციან რა არის ზამთარი: თოვლს ისინი ჰხედავენ მარტო თავიანთ მაღალ მთებზედ, რომლებიც თვალ-აუწვდენ კედელსავით აჭყულებია ინდოეთს ჩრდილოეთიდან და არ უშვებენ მისკენ ჩრდილოეთის ცივ ქარებსა. ამ მთებს ინდუსები ეძახიან გიმალას, რომელიც ნიშნავს თოვლსა სდგამს. გიმალას მთები უდიდესია მთელ დედა-მიწის ზურგზედ და ისეთი მაღლებია (ათ ვერსამდის აქვთ სიმაღლე), რომ ჰაერის სიმჩატის გამო ფრინველიც კი ვერა ფრინავს იქა. სულ სხვაა ბარში: რადგანაც ინდოეთში ზამთარი სულ არ იცის, იქაური მიწა ორჯელ და სამჯერ იძლევა მოსავალს წელიწადში და არც სადმე მოიპოვება მთელ დედამიწის ზურგზედ იმდენ-ნაირი მცენარე, როგორც ინდოეთში. იქაური ხალხი სთე-

სავს ბრინჯსა, ბამბასა, ყოველ-გვარ პურსა, შაქრის ლერწამსა... იქაურს ტყეებსა და ბაღებში იზრდება ინდის-ხურძა, ლელვი, ჩაი, პურის-ხე და სხვა... მთებში მოიპოვება ძვირფასი ქვები და რიყეებზე ოქრო. არც ნადირებია იქ ჩვენებური: სპილოები, ვეფხვები, ლომები, მაიმუნები და ორ-სამ საენიანი, მკლავის სისხო გველები, აი ინდოეთის ცხოველები.

ინდოეთში სცხოვრობს ორ-ნაირი ხალხი: ერთს ეწოდება აჩა, რომელიც ნიშნავს კეთილ-შობილს და მეორეს სუდრა, რომელიც ნიშნავს მონას. პირველ ხანებში ინდოეთში ცხოვრობდნენ მარტო სუდრები, მაგრამ ათასი წლის წინათ ქრისტეს შობამდე, მოვიდნენ იქ ჩრდილოეთიდან აჩიები, დაიპყრეს სუდრები, და გაიხადეს ესენი თავის მონებად. არიებმა ააშენეს იქ ბევრი მდიდარი ქალაქები, შეამუშავეს მინდვრები, გატეხეს გაუვალი ტყეები, ამოწყვიტეს მავნებელი ნადირები, გაიყვანეს გზები, არხები და გააჩადეს ვაჭრობა მეზობელ და შორეულ სახელმწიფოებთან, მაგრამ ყველა ამით ხალხს მაინც კარგათ ვერ ეცხოვრობოდა. ამის მიზეზი იყო ის გარემოება, რომ არიები იყვნენ ბატონები და სუდრები კი მონები; არიები ცხოვრობდნენ ბატონურად, სუდრები კი მთელს თავიანთ სიცოცხლეს მხოლოდ ბატონების სამსახურსა და მუშაობაში ატარებდნენ. მეფეები, დიდებულნი და მოქალაქენი აშენებდნენ ქალაქებში და აგარაკებში

თვალ-წარმტაც სრა-პალატებსა, ჰრთავდნენ მათ ათა-სნაირის ჩუქურთმებითა და ავსებდნენ ოქროსი და ვერცხლის ქურქლეულითა, იშვიათის იარაღებითა, ორხუებითა, ქსოვილებითა... და ჟბრალთა ხალხი კი სიღარიბესა და მიძიმე მუშაობაში ჰლაფავდა სულსა.

ასე და ამ გვარად ცხოვრობდნენ ინდუსები. მაგრამ აი დაიბადა ამათში კაცი, რომელმაც სულ სხვა გვარი ცხოვრება ასწავლა მათ. ეს იყო მეფის ძე სიღარტა, რომელსაც ინდუსებმა დაარქვეს ბუდა, რაიცა ნიშნავს ნათელ-მიღებულს ბრძენსა.

ინდოეთში არის უშველებელი მდინარე განგი; გამოდის იგი გიმალის მთებიდან და ერთვის ინდოეთის ოკეანეს. უწინ ამ მდინარის სათავეში იყო ერთი პატარა სამეფო, სადაც, 623 წელს ქრისტეს შობამდე, მეფობდა ბრძენი და კეთილი მეფე სუდჰანა. სუდოდანს ჰყვანდა ცოლად მშვენიერი მათა, რომელმაც უშვა მეფეს ძე სიღარტა, მაგრამ თითონ დედოფალი კი გარდაიცვალა მშობიარობის ავთამყოფობისაგან. შვილის დაბადების წინათ, მეფე სუდოდანმა მოუწოდა მსწავლულ მოგვებს და ჰკითხა: „მითხარით, რა გაუჩნდება დედოფალსაო“? მოგვებმა მიუგეს: „დედოფალს გაუჩნდება იშვიათი ყმაწვილი; თუ იგი მამის სახლში დარჩება, ძლიერი და სახელოვანი მეფე იქნებაო; ხოლო, თუ უდაბნოში წავა განდევილად, გახდება ნათელ-ლებულ ბრძენად და სწავლა მისი ღანანათლებს მთელს აზიასაო“.

მამას იამა ასეთი შვილის ყოლა, რადგანაც მას ძლიერ აწუხებდნენ მეზობელი მეფეები და ამიტომ ასე ფიქრობდა: „აი გამეზრდება შვილი, ის იქნება კარგი ვაჟკაცი და არა თუ მარტო დამიფარავს მტრებისაგან, პირიქით, თვითონაც დაიპყრობს მეზობელ მეფეებსა და გამიძლიერებს გვარსა და სამეფოსაო“.

ხოლო, რომ შვილი მისი განდევნილად არ წასულიყო, მამამ ისე მოაწყო შვილის აღზრდა და ცხოვრება, რომ მას მარტო მდიდრული და ფუფუნებითი ცხოვრება შეჰყვარებოდა. ამ აზრით ყმაწვილს ზრდიდნენ და ატარებდნენ მარტო უუმშვენიერეს სრა-პალატებსა და ბალებში და თან ახლდნენ უამრავი მოსამსახურენი, რომელნიც მოვალენი იყვნენ ყოვლის უთქმელად აესრულებინათ ბატონი-შვილის ყოველი ბრძანება.

მეფის ძე იშვიათის გონებისა და სილამაზის ყმაწვილად იზრდებოდა. რვა წლისას მას მიუჩინეს მასწავლებლები და დააწყებინეს სწავლა. ბუდდა ბეჯითად სწავლობდა და გარდა ამისა დიდად უყვარდა სადმე კუნჭულში ჯდომა და ბრძენსაგით რაზედმე ფიქრი. ერთხელ მამამ ნახა ის ასე დაფიქრებული და არ იამა, რადგანაც იფიქრა: მოგვების სიტყვა არ ასრულდეს და შვილი მართლაც განდევნილად არ წამივიდესო. აილო და შერთო ცოლად მშვენიერი იასოღარი. მამამ აუშენა შვილსა და რძალსა სამი სასახლე: ერთი ცხელს ზაფხულში გრი-

ლად საცხოვრებლად, მეორე — წვიმიანს დღეებში და მესამეც ქარიან დღეებში საცხოვრებლად. სამივე სასახლე მამამ მოართვევინა იშვიათის საშვენებლებით და გარეშემო ადგილებიც იშვიათის ბაღებით შეამკობინა. აქ გაატარა ბუდდამ მთელი თავისი ახალგაზღობა, ვიდრე ოცდა-ცხრა წლამდის, გარეშემორტყმული მასიამოვნებელი ცოლით და უამრავი მოსამსახურებით.

მაგრამ ოცდა-მეცხრე წელს კი მეფის ძეს უეცრად დიდი ცვლილება დაეტყო: მოსამსახურეებს თუმცა სასტიკათ ჰქონდათ აღკრძალული, რომ ბატონიშვილის ბაღებსა და სრა-პალატებში არავინ შეეშოთ ბებერი და ავათმყოფი, რომ ჭაბუკს არც ბებერი ენახა, არც ავათმყოფი და არც მკვდარი და მით არა სცოდნოდა — რა არის სიკვდილი და მწუხარება, — მაგრამ ერთხელ, როცა ბუდდა შეიქმნა 29 წლისა, იმან გაიყოლა თვისი საყვარელი მსახური ჩანა და გამოვიდა სრა-პალატის ბაღებში სასვირნოთ. აქ ბუდდა უეცრად შეეხეჩა საიდღამაც შემოსულს წელში მოკაკულს საცოდავს მოხუცსა. ბატონიშვილი განცვიფრდა და ჰკითხა ჩანსა: რა ქმნილებაა იგიო? მსახურმა უპასუხა: „ბებერი კაციოა“?

— ნუთუ ასეთი დაიბადა?

— არა, ჩემო ხელმწიფევე, ის ისეთივე ახალგაზდა და აყვავებული იყო, როგორც შენა.

— მერე, ბევრია მაგისტანა ბებრებიო?

— ბევრი, ჩემო ხელმწიფევ! ასეთია სიცოცხლის კანონი, ყველანი უნდა დავბერდეთ.

— მეც ასეთი ბებერი უნდა გავხდე?

— დიახ, ჩემო ხელმწიფევ, შენც

ბატონიშვილი დაბრუნდა შინ. მას აღარ იამებოდა ბალში სეირნობა, ის ახლა მარტო მოხუცის ნახვით იყო გართული ღრმა ფიქრებში.

რამდენიმე ხნის შემდეგ ბუღდამ ახლა მუწუკებისაგან შექმული კაცი ნახა და კვლავ ჰკითხა თავისს მსახურს: „ჩან! ეს რა არისო“?

აქ ჩანმა უამბო ბატონიშვილს სხვა და სხვა ავათმყოფობათა შესახებ და თან ისიც დაუმატა, თუ რამდენსა წვალობს კაცობრიობა ათასნაირ ავათმყოფობისაგან. ბატონიშვილს თავს ზარი ეცა და კვლავ დაბრუნდა სასახლეში.— ჩვენი სისალე სიზმარი ყოფილა,—სთქვა თავისთვის ბუღდამ.—განა შეიძლება სიხარული და მხიარულება იქ, სადაც ასეთი საშინელი ავათმყოფობანი სჭირებია ქვეყანასა!?

მესამეთ ბუღდამ მიცვალეებული ნახა. იგი გზის პირას ეგდო და უკვე გახრწნის სუნი დასცემოდა. შეძრწუნებული ბატონიშვილი კვლავ სასახლეში დაბრუნდა.

— რა მნიშვნელობა აქვს მეფურს ბრწყინვალეებასა და განცხრომა-ლხენასა, თუ კი მათ არ შეუძლიანთ დაიფარონ ხალხი სიბერისა, ავათმყოფობისა და სიკვდილისაგან? ოჰ, რა უბედურნი ყოფილან

ადამიანები! ნუთუ არ არის რამე საშუალება, რომ სამუდამოთ მოისპოს ამ ქვეყნად ტანჯვანი და სიკვდილი?—ფიქრობდა თავისთვის ბუდდა.

ამ სამმა სანახაობამ ისეთი ძლიერი შთაბეჭდილება მოახდინეს ბუნებით მგრძნობიარესა და კეთილს ბუდდაზედ, რომ მან გადასწყვიტა სრულიად გამოიცვალოს ცხოვრება. ბატონიშვილმა დაინახა, რომ ქვეყანაზედ ყველაფერი ისე კარგათ არ ყოფილა, როგორც აქამდის აჩვენებდნენ. ამან იგრძნო და გაიგო, თუ როგორი ცვალებადი ყოფილა ბედნიერებაც, სიჭაბუკეც და ლხენაც; ნახა, როგორ ცხოვრობენ ადამიანები და ამიტომ შეეზიზლა მდიდრულად ნაჭები სასახლეები და ყველა ის გასართობნი, რომლებითაც აქამომდე ართობდნენ მას. ამას იქით მან დაიწყო ყველას მორიდება, ახლოს აღარავის იკარებდა, სულ მარტოობას ეძებდა, რომ ერთს წუთსაც არავის შეეშალა მისთვის ფიქრი ადამიანის უბედურს სვეზედა, ათას-გვარ სნეულებაზედა და სიკვდილზედა. ბუდდამ მარტო ახლა დაინახა თვალ-ნათლივ, რომ ქვეყანა სავსეა ბოროტებითა და იწყო განუწყვეტელი ფიქრი იმაზედა, თუ როგორ და რით იხსნას კაცობრიობა ამ ბოროტებათა და ტანჯვათაგან. 7.

ამ ფიქრებში იყო ბუდდა გართული, რომ ერთხელ, შემთხვევით, იგი შეჰხვდა განდკეილს. მდიდარი ბატონიშვილი ზრუნვასა და მწუხარებაში იყო და განდევილი კი თავისს დაფლეთილ ტანისამოსშიაც

სრულიად დამშვიდებული და კმაყოფილი გამოი-
ყურებოდა. ბუდდას გაუკვირდა. მან შეიტყო, რომ
განდევილს თავი დაუწებებია სოფლისათვის, უდა-
ბნოში წასულა და იქ მოუპოვებია მშვიდობა სულისა.
ბატონიშვილმა იფიქრა, რომ მარტო ამ გზით შეი-
ძლება მოპოვება სულის მშვიდობისაო და თითო-
ნაც გადასწყვიტა განდევილად წასვლა.

ბუდდამ დაუყოვნებლად გაუზიარა მამას თავი-
სი გადაწყვეტილება. მეფე შეკრთა და დაუწყო
შვილს ხვეწნა: „უკუ-აგდე, შვილო ჩემო, ასეთი აზ-
რი, რადგან სხვა მემკვიდრე არ მიძს მეო“. მაგრამ
ამოდ: ბატონიშვილი არ იშლიდა და სულ იმას
გაიძახდა—არ შემძლიან, თუ განდევილად არ
წავფლო. ბუდდამ მალეც შეასრულა თავისი სიტ-
ყვა: ერთ მშვენიერ ღამეს, როცა ცოლი მისი
ტკბილს ძილში იყო, ბუდდა შეჯდა საუკეთესო
ცხენზედ, გაიყოლია თან თავისი ერთგული მოსამ-
სახურე ჩანი და გაუდგა გზას, საით, თითონაც არ
იცის. იარა, იარა და მივიდა ერთი მდინარის პი-
რას. აქ ბატონიშვილი ჩამოხტა ცხენიდან, გადასცა
იგი განცვიფრებულს მოსამსახურეს და უბრძანა
შინ დაბრუნება მეფესთან. თითონ კი წავიდა მახ-
ლობელ ქალაქისკენ. გზაზედ ის შეხვდა ერთს გლა-
ხას, გაუცვალა თავისი ძვირფასი ტანისამოსი, დაი-
ტოვა მარტო წამოსასხამი, რომელსაც არ იშორე-
ბდა მთელს თავის სიცოცხლეში, შევიდა გლახურათ
ჩაცმული ქალაქში, მონახა განდევილ ბრძენთა სა-

დგომი, მივიდა იქ და დარჩა მათთან გეტამას სახელით.

გახდა რა განდევნილად, ბატონიშვილმა ხელი მიჰყო სასტიკ ბერულ ცხოვრებას—მარხულობას, სხეულის გვემას ინდოეთის საშინელ სიცხეში მზეზე დგომით და იმედი ჰქონდა, რომ ამ გზით მოიპოვებდა სულის მშვიდობასა, მიჰხედებოდა სიცოცხლის მიზანსა... მაგრამ ამაოდ: სხეულის გვემა-წვალებამ ვერა და ვერ მოუპოვეს მას მშვიდობა სულისა.

ბუდდამ დაინახა, რომ მისგან არჩეული გზა შემცდარი იყო და მიეცა ფიქრსა: „მაშ რა ვქნაო“? მიანება თავი განდევნობებს და წავიდა მოგვებთან (მღვდლებთან), რომლებიც განდევნილებსავით თავს არ იწვალებდნენ შიმშილითა და სიცხე-ჰაპანაქებაში მზეზე დგომითა. მაგრამ ვერც მოგვების გალალბულმა ცხოვრებამ დააკმაყოფილა და ამიტომ ისინიც მალე მიატოვა. წავიდა და დადგა ერთს უდაბურს ტყეში ურაველა სოფლის ახლოს. ამბავი მის განდევნილობაზედ მალე მოეფინა მთელს იმ მხარეს, მოვიდნენ მასთან ხუთი განდევნილი და სთხოვეს მოწათფებიდ მიღება. ბუდდა დასთანხმდა და დაუწყო მათ სწავლა იმაზედ, თუ როგორ უნდა იცხოვრონ ადამიანებმა, რომ მოიპოვონ მშვიდობა სულისა. მაგრამ მისმა სწავლამ ვერ დააკმაყოფილა მოწათფები და მალე გაშორდნენ. დარჩა ბუდდა კვლავ მარტოკა.

დაჯდა ბუდდა დიდი ხის ქვეშ და მიეცა ფიქ-

რსა. უკუ-აგდო საამქვეყნიო ყოველი ზრახვანი და ბოლოს აკი იპოვა ქეშმარიტება—პასუხი სიცოცხლისა და ტანჯვათა ზედა, რომელიც მთელს შვიდს წელიწადს მოსვენებას არ აძლევდა მას.

— როდესაც მე ვიხილე ქეშმარიტება, — უამბობდა იგი შემდეგ თავის მოწაფეებს, — სული ჩემი განშორებული იყო ყოველთა ცოდვათა, ცდომილებათა, უმეცრებათა და საზოგადოთ მიწიერ არსებობასა. როცა მე ვფიქრობდი სიცოცხლის დანიშნულებაზედა, ადამიანთა ტანჯვათა მიზეზებზედა და იმაზედა, თუ როგორ დაეხსნა თავი ტანჯვებისაგან, მე ჯერ კიდევ მიზიდავდნენ საამქვეყნიო ცდომილებანი—განცხრომა, სიმდიდრე, აღიდება, მაგრამ, აი, ყველა ეს მე ძირიან-ფესვიანად ამოვაგდე ჩემში და მით გავიმარჯვე კიდევ ბოროტზედა. მაშინ ჩემს სულში დარჩა მარტო ნათელი წარმოდგენა ადამიანის ნამდვილ ცხოვრებ-სიცოცხლეზედა.

ეს იყო და ეს, რომ ბატონიშვილმა უწოდა თავის თავს ბუდდა, რაიცა ნიშნავს ნათელ-მიდებულ ბრძენსა და ამის მერე სხვებიც მუდამ ასე ეძახდნენ განნათლებულს ბატონიშვილსა.

ბუდდას ახლა ახალი დარდი, ახალი კითხვა აეშალა: „მე ვცანი ქეშმარიტება, ვცანი რომ სიცოცხლე ტანჯვა და მივხვდი იმასაც, თუ როგორ დავალწიო ამ ტანჯვებსა. რალა მრჩება? ადამიანები ცხოვრობენ სააქაო ფიქრებითა და სააქაო ვნებებითა. მათთვის ძვირათ ღირს სააქაო შვებანი და ლხენანი;

ამიტომ ადამიანები თავის ღღეში არც დამიჯერებენ, თუ ვეტყვი, რომ ცხენება (ხსნა) აჩის უაჩის უფა უფაგელთა სურვილთა და მღამათა! ან ღირს კი, რომ ვეახლო მათ და დავუწყო ამაზედ ქადაგება? უმჯობესი არ იქნება, რომ თვით შევუდგე უკვე ნაპოვნ საუკუნო მშვიდობასა და მოსვენებასა“?

ბუდდა კვლავ დაფიქრდა და ბოლოს სთქვა: „არა! მე არ მინდა, მარტო მე ვიყო საუკუნო მშვიდობასა. მე მეცოდება საწყალი ხალხი, რომელიც მარად ტანჯვაშია და არ იცის, როგორ იხსნას მისგან თავი. მე განვუცხადებ მას ჩემს სწავლასა და მოვიკრებ მოწაფეთა, რომ განაგრძონ ჩემი სწავლა, როცა მე აღარ ვიქნები. მე დავუწყებ ხალხს სწავლებას, თუ როგორ უნდა იხსნან მათ თავი ტანჯვა-წვალებისაგან და ამ გზით გაეავრცელებ მოპოვებულს ქეშმარიტებასა ადამიანების სასიხარულოდ და საბედნიეროდ.“

ბუდდა სამ კვირას კიდევ დარჩა ტყეში სრულს ნეტარებასა და მშვიდობაში—ნირვანაში. აქ ახლა იგი იმაზედ-და ფიქრობდა, თუ საიღამ და როგორ დავუწყო 'წავლა ხალხსაო და ბოლოს სთქვა. „ბჭენი ხსნისა დაც განცხადდეს სუყველასთვის! ადამიანებო! განახვენით ყურნი თქვენნი და მისმინეთ მე!“.

II.

ამის შემდეგ იგი წავიდა ინდოეთის უდიდეს ქალაქ ბენარესში და მივიდა იმ ხუთ განდევილთან, რომელთაც მიატოვეს იგი. როცა ყოფილმა შეგი-რდებმა დაინახეს მათკენ მიმავალი მასწავლებელი, ერთმანერთს წაჭიურჩულეს: „აგერ მოდის გოტამა; იმან კმაყოფილი ცხოვრება არჩია თვით-გვემსა; ის ღირსი არ არის ჩვენის პატივის-ცემისა, ამიტომ ნუ ავდგებით მის წინაშე და ნურც წამოსასხამს ჩა-მოვართმევთო. აი ადგილი, თუ უნდა მოვიდეს და დაჯდეს ჩვენ შორისო“... მაგრამ ვერც ერთმა მათგანმა ვერ შეასრულა ნათქვამი. მიუახლოვდა მათ ბუდდა თუ არა, ყველანი უნებლიეთ ფეხზედ წამოდგნენ, მიეგებნენ ნათელ-ღებულს, ჩამოართვეს წამოსასხამი და მიიწვიეს დასაჯდომად. ბუდდა და-ჯდა და მიმართა მათ: „განდევილნო! განახვენით ყურნი თქვენნი! გზა ხსნისა ნაბოვნია; მე გიმოდ-ღვრებთ თქვენ და თუ ჩემის სწავლის თანახმად იცხოვრებთ, სულ მცირე ხნის შემდეგ მიიღებთ იმას, რის გულისათვისაც კეთილშობილნი ქაბუკნი სტოვებენ სამშობლოსა და მაღიან უცხო ქვეყნებ-ში განსანათლებლად. თქვენ აქვე, სააქაო ცხოვ-რებაშივე, შეიგნებთ ქეშმარიტებასა და პირის-პირ იხილავთ მას“.

გაოცდნენ განდევილები და ჰკითხეს: „რით გინდა მიაღწიო სისრულესა, როცა შენ უარ-ჰყავ

თვით-გვემა და დაემყარე სიამოვნებასა და კეთილ-
ცხოვრებასა?“ ბუდდამ უპასუხა: „ეჰ, ბერებო! არის
ორ-გვარი უკიდურესობა, რომელსაც უნდა ერი-
დოს ყოველი კაცი, შემდგარი სულიერსა ცხოვრე-
ბასა“.

— რომლებია ეგ უკიდურესობანი?

— ერთი არის: განცხრომისა და ვნებათა დაკმა-
ყოფილების ცხოვრება, — იგი ყოვლად ამაო და არა
კეთილშობილურია; მეორე — თვით-გვემითი ცხო-
ვრებაა, იგიც ყოვლად უმნიშვნელოა.

სრული ადამიანი მარად შორს არის ამ ორი-
ვე უკიდურესობისაგან, იგი არჩევს შუა გზას...

— რა გზაა ეგ გზა? — ჰკითხეს ბუდდას გან-
დეგილებმა.

— ეს არის გზა მშვიდობისა, შეგნებისა და
განნათლებისა. ესენი შეიყვანენ კაცს ცხოვებაში, ე.
ი. დაიხსნიან მას სააქაო ტანჯვა-წვალებათაგან.
ტანჯვა-წვალებანი წარმოსდგება განცხრომა-სიამო-
ვნებათა და სხვებზედ ბატონობის ნდომისაგან; ამო-
იკვეთეთ თქვენში ეს ნდომანი და ტანჯვანიც
თვალთა დახამხამების უმაღლ განქრებიან. რა წამ-
საც გარკვევით შევიგნე ეს ქეშმარიტება, მე იმავ
წამს მივალწიე ბუდდას, — ე. ი. განათლებულის
ბრძენის უმაღლეს მდგომარეობას...

ყოფილი შეგირდები ცრემლით თვალებში შე-
ჰხაროდნენ დიდს მოძღვარსა და, რა გაათავა ბუდ-
დამ სიტყვა, უთხრეს: „მიგვიღე მოწაფეებად და

კვლავაც განგვიცხადე შენი მოძღვრება“. ბუდლამ უპასუხა: „იცხოვრეთ წმიდათ, რათა ბოლო მოუღოთ თქვენში ყოველ-გვარ ტანჯვათა“...

ამის მერე ბუდლამ გაიყოლა ხუთნივე და შეუდგა ქადაგებას.

ხალხი ყველგან დიდის აღტაცებით უსმენდა ბუდლას და გულს იმარხავდა მის წმიდა მოძღვრებასა ტანჯვათა ამოკვეთაზედა თავისში და შეწყალება-სიყვარულზედა ურთიერთთადმი. მალე შეგირდობა ძლიერ გაუმრავლდა ბუდლას. მათში მას ყველაზედ მეტათ უყვარდა ერთი, ანანდა, რადგანაც ამას ყველაზედ კარგად ესმოდა ბუდლას მოძღვრების უმთავრესი აზრი.

ერთხელ ანანდა მივიდა ქასთან და სთხოვა წყალი დედაკაცსა, რომელსაც ის იმ დროს იღებდა ჭიღამ. დედაკაცს გაუკვირდა და უთხრა: „მე, ბატონო, მონის შვილი ვარ“! ანანდამ უპასუხა: „მე არ გკითხავ, ვინ ხარ შენ; მე წყალი მწყურია და გთხოვ დამალევიწოვო“.

ერთმა მეფემ დაჰპატიჟა ბუდლა: „მოდი აჩვენე ჩემს მოგვებს წასწაულებიო“! ბუდლამ შეუთვალა: „მე არ ვეუბნები ჩემს მოწაფეებს: წადით და მოიმოქმედეთ სასწაულები, რათა მით გააწბილოთ მოგვნი. პირიქით, მე ვავალებ მათ: ისე მოიქეცით, რომ დაფარული იყოს თქვენი ყოველი კეთილი, ხოლო სისუსტენი თქვენი კი მარად ყველასთვის დასანახი იყოსო“.

ხალხს დიდათ მოსწონდა ბუდდას მოძღვრება და ამიტომ ბევრი სამუდამოთ სტოვებდნენ სახლსა და მიდიოდნენ მასთან მოწაფეებად. ასე შეუგროვდა მას 60 მოწაფე, ქალი თუ კაცი, მდიდარი თუ ღარიბი, არია თუ სუდრა, მოგვი თუ ვაჭარი; ყველას ასწავლა ძმობა, ყველას ჩაუნერგა გულში, რომ ყველა ადამიანები ერთნი არიან, რომ ბატონობა და მონობა აღარ უნდა იყოსო. ერთხელ ბუდდამ უთხრა მათ: „წარვედით, უქადაგეთ და ასწავლეთ ყველას, როგორ იხსნან თავი ტანჯვათაგან, როგორ მიაღწიონ ბედნიერებასა, ღმერთსა, სულის მშვიდობასა“.

მოწაფეები წავიდნენ ბუდდა კი დაბრუნდა თავის ტყეში და დადგა იქ. ხალხი კვლავ ათასობით მიდიოდა მასთან და იღებდა მისგან მოძღვრებას. ბევრი სამუდამოთ რჩებოდა მასთან და ამ გვარად ბუდდას კვლავ მოუმრავლდა შეგირდობა.

ბუდდას დიდების ამბავმა მიაღწია მის სამშობლომდინაც. ბუდდა გაემართა იქითკენ, მაგრამ ქალაქში კი არ შევიდა და დადგა ქალაქს გარეთ ტყეში. მამა, დიდებულნი და უამრავი ხალხი მიეგება ბუდდას აქ, მაგრამ მეფემ და დიდებულებმა დაინახეს თუ არა, რომ ბატონიშვილი უბრალო ტანისამოსშია, უკან გაბრუნდნენ. მეორე დღეს ბუდდამ აიღო ხელში ჯამი და შევიდა ქალაქში მოწყალეების სათხოვნელად. როცა მეფემ შეიტყო შვილის ასეთი ქცევა, გამოეშურა მასთან და უთხრა:

„შვილო ჩემო, რათ შერები მაგას? რათ მარცხვენ მეო?“

ბუდდამ უპასუხა. „ასეთი წესი აქვთ იმათ, რომელთაც ვეკუთვნი მე და მეც ისე ვიქცევით“.

მამამ შეჰკივლა: „შენ ეკუთვნი მეფის გვარს, ჩვენს წინაპრებში კი მაგრე არავის დაუმცირებია თავი“.

ბუდდამ გაიღიმა და უპასუხა: „მე მისთანებს არ ვეკუთვნი; ჩემი წინაპრები ისეთივე ბუდდები იყვნენ, როგორც მე და ისინიც იმას აკეთებდნენ, რასაც მეო“.

ბუდდამ ამით ის უთხრა მამას, რომ უწინაც ბევრი იყო ბრძენი ადამიანები, რომლებიც ისევე იქცეოდნენ, როგორც მეო.

მეფე სულოდანი მიჰხვდა, რაც უთხრა შვილმა, მოსქიდა იელი და წაიყვანა სასახლეში, სადაც ბუდდამ ნახა თავისი მშვენიერი იასოდარიცა. როცა იასოდარმა დაინახა ქმარი განდევილის ტანისამოსში, ხმა-ამოუღებლათ დაუვარდა ფეხებ ქვეშ და მწარეთ იტირა. ბუდდამ ააყენა ის და ტკბილათ უქადაგა ქვეყნის დახსნაზე ტანჯვათაგან. მისმა სიტყვებმა პოხიერი ნიადაგი ჰპოვეს იასოდარის გულშია.

რამდენიმე ხნის შემდეგ ბუდდა გამოეთხოვა მამას, ცოლს, სახლს და კვლავ გაუდგა გზას. რვა თვეს წელიწადში ბუდდა დადიოდა სოფლიდამ სოფლად, ქალაქიდამ ქალაქად და ყველგან ასწავ-

ლიდა ხალხს ტანჯვათაგან თავის დახსნასა; ხოლო
ოთხ თვეს, როცა ინდოეთში იწყობოდა წვიმიანობა,
ის ცხოვრებდა რომელიმე თავის მეგობართან. მე-
ფეები და მდიდრები სიამოვნებით იწვევდნენ ბუდ-
დას თავისთან საცხოვრებლად და ბედნიერად
სთვლიდნენ თავს, როცა ბუდდა დაბინავდებოდა
მათთან. მარტო წვიმების მიზეზით არ იქცეოდა
ბუდდა ასე: ამ დროს ინდოეთში ახლდება ბუნება,
ამოდის მცენარე, ჩნდება მწერი, ნადირი. ბუდდა
და მისი მოწაფენი ერიდებოდნენ ასეთ დროს სია-
რულსა, რომ ტყუილ-უბრალოთ არ გაეთელათ მცე-
ნარე, არ გაეჭყლიტათ ღვთის რომელიმე ქმნი-
ლება...

ბუდას მოწაფეები ცხოვრობდნენ, როგორც
ძმები. მაგრამ ერთად ესენი მარტო წვიმების ხანში
ცხოვრობდნენ; დანარჩენ დროს კი დადიოდნენ
სოფლიდამ სოფელს და ქალაქიდამ ქალაქს და ას-
წავლიდნენ ხალხს წმიდათ ცხოვრებას. მოწაფენი
ისე ექცეოდნენ ერთმანეთს, როგორც ამხანაგები;
მათ შორის არც ერთი არ იყო უფროსი; ვინც
წმიდათ ცხოვრებდა, ვისაც უკეთ ესმოდა ბუდას
მოძღვრება და იცოდა მისი განმარტება, იმას სცემ-
დნენ მომეტებულს პატივსა, ეს იყო და ეს. მოწა-
ფე სამუდამოთ როდი შედიოდა ძმობაში: ყველას
შეეძლო თუნდა მეორე დღესვე დაენებებინა თავი
ძმობისათვის, დამწლელი არაფინ იყო. ბუდა იტ-
ყოდა ხოლმე: „უმჯობესია გულ-ახდილათ უარი

სთქვა განდევილობაზედ, მინამ დარჩე ძმობაში და მით ცოდო ქმნა. ვინც იტყვის: ვერ დამივიწყნია მამა, დედა, ძმა, და, ცოლი, მხიარული ცხოვრება, უმჯობესია კვლავ დაბრუნდეს შინ და ისე იცხოვროს, როგორც თვითონა ჰსურს; ეს არავის არ უნდა ეწყინოს და შემდეგ, როცა უნდა, კვლავაც შეუძლიან დაბრუნდეს ძმობაში. ძმობის წევრნი ცხოვრობდნენ ღარიბულად, ყოველს მათგანს ჰქონდა მხოლოდ პატარა თასი მოწყალეების მისაღებად და მწირი ტანსაცმელი ყვითელის ფერისა, რადგანაც თვით ბუდდა ატარებდა ყვითელ ტანისამოსსა. მეფეები და მდიდრები ხშირად აჩუქებდნენ ბუდდას ძმობას სახლებსა, მიწებსა, ბაღებსა, ტყეებსა. ყველა ეს შეადგენდა მთელი ძმობის კუთვნილებას, ყოველი წევრი სარგებლობდა ამ ქონებით სანამ ის იქ იქნებოდა და როცა წავიდოდა იქიდან, ქონებით ახლა სრულიად სხვაგნადაც მოსული წევრი სარგებლობდა. ძმობის წევრთა ცხოვრება მიმდინარეობდა მუშაობასა, ფიქრსა და საუბრებში დაბასოფლებიდან და ქალაქებიდან მოსულ ხალხთან.

როცა ბუდდა შესრულდა 80 წლისა, მან იგრძნო სიკვდილის მოახლოვება და უთხრა თავის საყვარელს მოწაფეს: „ანანდ! მე მოვხუცდი, ჩემი დღენი დათვლილია“... ანანდა შეწუხდა. ბუდდამ განაგრძო: „რას დალონდი, ყოველი დაბადებული უნდა მოკვდეს, საუკუნო არაფერია, ყველაფერი ცვალებადია“. მერე მიუბრუნდა დანარჩენ მოწაფე-

ებს და უთხრა: „მე გამცნიეთ თქვენ ჭეშმარიტება, მისით სცოცხლობდეთ ყოველ დღე, ყოველ ჟამს; როცა მე აღარ ვიქნები, იქადაგეთ იგი ყველგან მთელი დედამიწის ზურგზედ, რათა მოძღვრება ჩემი არსებობდეს დიდხანს. ვინც ბოლომდის შერჩება ჩემს მოძღვრებას, იგი მშვიდობიანად გასცურავს ცხოვრების ზღვას და მიაღწევს იმ დიდს მიზანს, სადაც თავდება ყოველი ტანჯვა. მაღე მე აღარ ვიქნები, მ-გრამ არა სთქვათ, რომ აი დადუმდა ბაგენი ჩვენის მასწავლებლისა, აღარა გვყავს მოძღვარი და დამრიგებელიო: არა, ძმანო! დღეიდან თქვენი მოძღვარი და დამრიგებელი უნდა იყოს ის სწავლა ცხოვრება-სიცოცხლეზედ, რომელიც მე თქვენ განგიცხადეთ. გახსოვდეთ და არ დაივიწყოთ, რომ თქვენი ყოველი ცდა უმთავრესად იმაზედ უნდა იყოს მიმართული, რომ შეუმციროთ და შეუმსუბუქოთ ხალს ტანჯვა-წვალებანი და ეს კი ყველაზედ უკეთ საკუთარი თავის სრულ-ყოფით და ვნებათა შეკავებით შეიძლება. გახსოვდეთ, რომ ყველა ადამიანები ერთნი არიან, ყველანი ერთნაირათ ჩნდებიან და ერთნაირათვე იხოცებიან და ამიტომ არც მონობა უნდა იყოს და არც ბატონობა, ყველანი ძმურად უნდა ცდილობდნენ ადამიანთა ტანჯვა-წვალებათა მოსპობასა ამ ქვეყნათ“...

ეს იყო უკანასკნელი სიტყვები ბუდდასი. იგი მოიცვა ღუმილმა და ცოტა ხნის შემდეგ გარდაიცვალა კიდევ.

III.

როგორც ვსთქვით, ბუდდა მდიდარი მეფის შვილი იყო და, მაშასადამე, კმაყოფილი ცხოვრებაც ჰქონდა, მაგრამ, ხედავდა რა უსამართლობას თავის უზრუნველ ცხოვრებაში, მან შეიძულა იგი და მიატოვა კიდევ.* მას ბუნებითვე თანდაყოლილი ჰქონდა ჩვეულება—ფეჭრი ცხოვრებაზედ. მას ეგონა, რომ ცხოვრებაში მარტო ტანჯვებია გამეფებულნი, დიდათ სწუხდა ამაზედ და ეძებდა საშუალებას მათ შემცირებასა და მოსპობაზედ.

იმის დროს ინდუსები დაყოფილნი იყვნენ წოდებებად, ერთნი რომ უფლებებით და სიმდიდრით იყვნენ მოქარბებულნი, მეორენი მონებად იყვნენ გადაქცეულნი და პირუტყვებზედ უარესი ცხოვრება ჰქონდათ, რისგამოც დიდათ სძულდათ ერთმანერთი. კეთილს ბატონიშვილს კი არავინ არ სძულდა, რადგან ყველა ენანებოდა, ყველასთვის ერთგვარათ სწუხდა. ის ერთნაირათ სწუხდა მდიდრებისთვისაც ღ ლარიბებისთვისაც, ბატონებისთვისაც და მონებისთვისაც, რადგანაც ორივენი სიმაკთჯეს იყვნენ მოკლებულნი და ერთნაირათაც იტანჯებოდნენ სულითა და ხორციით, მდიდრები—სუფის სიმწიერთ და ხორცის შვებით, ხალხ ღარიბნი—ორივეს სიმწიერთ.

ინდოელების სიხარულს საზღვარი არა ჰქონდა, როცა გამოჩნდა ბუდდა თავისი მოძღვრებით. მათ

პირველათ ესმათ, რომ ადამიანები ყველანი თანასწორნი არიან, რომ ყველა უნდა გვებრალებოდეს, არა თუ მარტო ადამიანები, არამედ ცხოველებიც და მცენარეებიც კი. გაპირუტყვებულ მონებს, სუდრებს, დიდათ იამათ ბუდლას ასეთი ქადაგება და ესენიც ათასობით და ათიათასობით მოდიოდნენ მასთან ინდოეთის ყოველი მხრიდან მოსასმენად მის ქადაგებისა. მაგრამ არც სხვები ჩამორჩნენ ამათ. გამოჩნდა, რომ არც მეფეები, დიდებულნი, მხედარნი, ვაჭარნი და მხვენელ-მთესველნი ყოფილან სავსებით ბედნიერნი, რომ ამათაც ბევრი ჰკლებიათ სრულ ბედნიერებამდის. ამიტომ ამათაც იწყეს ბუდლასთან მოსვლა, რომ მოესმინათ მისი სიბრძნე ადამიანის სიცოცხლის სისრულეზე, ბედნიერებაზე და ტანჯვათა ამოგდებაზედ ამ ქვეყნად. ზოგიერთი მღვთეები ისე გაიტაცა ბუდლას მოძღვრებამ, რომ მათ მიატოვეს სამეფოები და გავიდნენ ტყეებში, რომ ტყეთა ღუმბილში უფრო ადვილათ მისცემოდნენ ფიქრსა ადამიანთა ცხოვრება-სიცოცხლეზედა. ბუდლასთან მოდიოდნენ მოგვები და განდევგილებიც. ესენი თანახმა უხდებოდნენ ბუდლას, რომ შეუძლებელია კაცმა მოიპოვოს სულის მშვიდობა თვით-გვემითა და შიმშილით. ამათ ირწმუნეს, რომ სრულიად საჭირო არ არის სხეულის თვით-ტანჯვანი, საჭიროა მხოლოდ ყველას უცქირო, როგორც თავის ძმებსა და მეტი იზრუნო საყოველთაო ბედნიერება-სიყვარულებზედა. ახლად მოსულებს

ბუღდა ყველას ამ სიტყვებით უხვდებოდა: „მოვედინ, ქემშარიტება განცხადებულია: იცხოვრეთ წმიდათ, რათა მოვსპოთ ტანჯვანი ქვეყნათ“.

ბუღდას მოძღვრება და სწავლა ვრცელდებოდა ინდოეთში ოთხასი წელიწადი. 259 წელს ქრისტეს შობამდე ინდოეთში გამეფდა ასაკა დიდი. ეს იყო ფრიად ბრძენი და მართალი მეფე. იმას ძლიერ უყვარდა ბუღდას მოძღვრება და თუმცა თითონ არ დაუნებებია თავი მეფობისათვის, მაგრამ მუდამ ცდილობდა ეცხოვრა ბუღდას მოძღვრების თანახმად და სხვასაც აქეზებდა ამაზედ. ამ მეფემ ამოაქრევინა ბუღდას მოძღვრებანი დიდროან ქვებზედ, რომლებიც ახლაც შეიძლება ნახოთ ინდოეთში. ამავე მეფის დროს ჩასწერეს წიგნებში ყველაფერი, რასაც ასწავლიდა ბუღდა. აი რა სწერია ამ წიგნებში:

* „ადამიანები ცხოვრობენ ცოდვათა და შეცდომათა შორის. ცხოვრებაში ყველაფერს დასაბამი და დასასრული აქვს, ყველაფერი ცვალებადია. ცხოვრება-სიცოცხლე ტანჯვაა. ჩვენ მარტო მაშინ დავალწევთ თავს ამ ტანჯვებსა, როცა ხელს მივყოფთ წმიდა ცხოვრებასა.“

— რისგან არის, რომ ქვეყნად ამდენი ტანჯვა ღმწუხარებაა? ჩვენი სურვილისაგან ვიცოცხლოთ და ვიყვნეთ ბედნიერნი. როგორ ვიხსნათ თავი წვალებისაგან? ამისთვის საჭიროა, რომ ადამიანებმა დაიმორჩილონ ეს სურვილები ბედნიერება-სიამოვნე-

ბაზედ, უნდა სრულიად განთავისუფლდნენ ყოველ ამ გვარ ნდომა-სურვილებისაგან. თქმა არ უნდა, რომ ფრიად ძნელია განთავისუფლება ყოველ ამ გვარ ნდომა-სურვილებისაგან და აი ბუდდა რა გზას გვასწავლის ამისათვის: არის რვა ბილიკიო, რომლებითაც ყოველ ადამიანს შეუძლიან მიაღწიოს სრულს მშვიდობასა:

1. წმიდა რწმენა.
2. წმიდა ნება.
3. წმიდა სიტყვა.
4. წმიდა საქმე.
5. წმიდა ცხოვრება.
6. წმიდა მისწრაფებანი.
7. წმიდა აზრი და ფიქრები.
8. წმიდა ჩახედვა თავის თავსა და დუმილებში.

უნდა ერიდოთო: ქვენა და ბიწიერ ნდომათა, ამაოდ წვალებასა თავის სხეულისა. მხოლოდ ქეშმარიტებას შეუძლიან მიგვიყვანოს ჩვენ მშვიდობისა, სიბრძნისა და ნათელის ბქესთანაო. ცოდვათა შესახებ ბუდდა ამბობს: ვინც მოქმედებს ბოროტად ანუ ლაპარაკობს ბოროტსა, იმას თავის დღეში არ შეუძლიან იყოს ბედნიერი, ნეტარება თანა სდევს მარტო იმათ, ვინც კეთილათ იქცევა და სიტყვა-ფიქრიც მარად წმიდა აქვს. ჩემმა ყოველმა მიმღე-ვარმა უნდა უთუოთ შეასრულოს შემდეგი ხუთი მცნება, თუ უნდა მიაღწიოს ტანჯვათა ამოკვეთას თავისშიო:

ზირგული. არ მოკლათ არც ერთი კაცი, არც ერთი ცხოველი, არც ერთი ცოცხალი ქმნილება*).

მეორე. არ მოიპაროთ.

მესამე. ერიდეთ გარყვნილებასა.

მეოთხე. ტყული არ ილაპარაკოთ, არავინ მოატყუოთ, ტყუილათ არავის დასწამოთ.

მეხუთე. არ ილოთოთ.

ვინც შეასრულებს ამ მცნებებს, ის მუდამ პატივის-ცემაში იქნება ყველასგან და სააქაო ტანჯვა-მწუხარებანიც სრულიად ვერ მიეკარებიან მას; სვინიღისი მას მარად წმიდა ექნება და მარადვე მშვიდობასა და თანხმობაში იცხოვრებს მეზობლებთან. რისხვა დაიმორჩილე სიმშვიდით, ბოროტება — სიკეთით, ძუნწი — საჩუქრებით, ცრუ — სიმართლით. თუ ჩვენ მარად იმის ხსენებაში ვიქნებით, რომ იმან გამლანძღა, იმან მცემა, გამცარცვა, შემაწუხა, — ჩვენ თავის ღღეში ვერ დავმშვიდდებით, რადგანც უსიამოვნება უსიამოვნებითვე არც არასოდეს დაწყნარებულა და არც დაწყნარდება, იგი წყნარდება მხოლოდ სიმშვიდით, ასეთია წესი უკუნეთაო.

ბუდდა სასტიკათ უკრძალავს თავის მიმდევრებს შუკის-ძიებას. იგი გვირჩევს მოვეპყრათ ჩვენს მტრებს მარად და მარად კეთილათ. კეთილათ მოვეპყარით

*) ამიტომ არის, რომ ბუდდისტები ხორცეულს არა სჭამენ, პირუტყვსა და ფრინველს არა ჰკლავენ, ნადირს არ სდვენიან და არ ჰხოცვენ.

აგრეთვეო ყოველს ცხოველსა, ფრინველსა, მწერსა, ქიასა, ყვავილსა, ბალახსა. ბუდდას მოძღვრება შეწყალების შესახებ იქამდის მიდიოდა, რომ მან აუკრძალა თავის მიმდევრებს აბრეშუმის ტანსაცმელის ხმარება, რათა ამით მოესპო აბრეშუმის ქიის მოშენება და მერე ხოცვა მათი. ეცადეთ, რომ მარად წმიდა ფიქრები და ნდომანი გქონდეთო; ადამიანის ყოველი ქცევა დამოკიდებულია მის ნდომებზედ; თუ კაცს წმიდა ნდომა აქვს, ქცევაც კარგი ექნებაო. ჩვენი ქცევა პირდაპირ გვეუბნება, რა აზრებიცა და სურვილებიც გვქონია ჩვენაო. მაშ ეგრე: არა მარტო ჩვენი ქცევა უნდა იყოს წმიდა, არამედ ფიქრები და სიტყვებიცაო. მარტო წმიდა ცხოვრებას შეუძლიან მისცეს სულს ის, რასაც იგი ეძებსო, ე. ი. მშვიდობაო. ბუდდას სწამს, რომ შესაძლოა ტანჯვათა მოსპობა, თუ ვიცხოვრებთ წმიდა ცხოვრებითა. ასეთ წმიდა ეოფას, რაცა ადამიანის სული აღარ იტანჯვის, ბუდდა უწოდებს ნირვანას. ნირვანა არის სრულიად დაღწევა ყოველგვარ სააქაო ტანჯვათა და სურვილთაგან. ადამიანის სული მოიპოვებს მშვიდობასა მარტო ნირვანაში, ხოლო ეს უკანასკნელი კი მარტო წმიდა ცხოვრებით მოიპოვებაო. — „ვინც მარად ებრძვის ცოდვებსა, აღვილათ მიადწევს ნირვანას“, — სწერია ერთს ინდოეთურს წიგნში, — ეს არის უმაღლესი ნეტარებაო. ნირვანავეა ჩვენი დასასრულიო.

IV.

ბუდდას მოძღვრება და სწავლა გავრცელდა მთელს აზიაში და არსებობს ჩვენ დრომდის. ამ უამად მის მოძღვრებას აღიარებს ოთხასი (400) მილიონი ხალხი: ინდოეთში, ჩინეთში, იაპონიაში, ციმბირში და ინდოეთისა და დიდი ოკეანების კუნძულებზედ. ბუდდას მიმდევრებს ეწოდება ბუდდისტები, ხოლო მოძღვრებას—ბუდდიზმი. თავისი პირვანდელი წმინდა სახით ბუდდიზმი შენახულია უფრო ინდოეთში და მის კუნძულებზედ, განსაკუთრებით ცეილანზედ, სადაც დიდის სასოებით და ზედ-მიწევნით ასრულებენ ნათელ-დებულის ბუდას ყოველ სწავლამოძღვრებასა.* აქ ბუდდას სთვლიან უდიდეს ბრძენად, რომელმაც უჩვენა კაცობრიობას უდიდესი საშუალება კაცურ კაცად გახდომისათვის. ბუდდისტები დღემდის მტკიცეთ მისდევენ ბუდდას იმ სწავლას, რომ ყველა ადამიანები ძმები არიან და ამიტომაც გულ-კეთილად და პატივისცემით ეპყრობიან ყოველს უცხოელს.

სავსებით შენახულია ბუდდას დიდი მოძღვრება აგრეთვე იაპონიაში. ბუდდას მოძღვრების წიგნები იაპონიაში პირველათ შემოიტანეს მეცნიერებმა. აქ ბევრს მოეწონა ბუდდას მოძღვრება, დაიწყეს. მისი შესწავლა და ხალხშიაც გავრცელეს. იაპონელები ამბობენ: ბუდდას სწავლა ამშვიდებს მოუსვენრებს და განანათლებს ადამიანის სულსაო.

თუ ადამიანი ღრმად არ ჩაუფიქრდება და სავსებით არ შეიგნებს ბუდდას მოძღვრებას, ის ვერ შეუერთდება იმ ღვთიურს სულსა, რომელიც ცხოვრებს ყოველს ადამიანშიო. ყოველი ადამიანი მარად უნდა ფიქრობდეს თავის ცხოვრებასა და ყოფა-ქცევაზედ, მარად უნდა ცდილობდეს მედგრად დაიცვას თავისი ფიქრები და გრძნობანი ბოროტებისაგან. აი გასაღებია, შემყვანი ბუდდას მოძღვრებაში! ვინც ეძებს კავშირს თავის ღვთიურ სულთან, მას შეიძლება ეწოდოს ბუდდას მოწაფეო, ხო-ხო ვინც არაფერს ფიქრობს ამაზედა, იგი უმეცარიაო...

ბუდდას სწავლას აქვს ერთი მიზანი: განთავსოს ბნელი, განაგდოს უმეცრება, წათელ ჰყოს ადამიანი. ბუდდას წიგნები ასწავლიან კაცს, თუ როგორ მიაღწევს ადამიანი ამ წათელს. წიგნის შემსწავლელმა უნდა შეიგნოს არა პირდაპირი აზრი ნაწერისა, არამედ თვით დედა-აზრი და სული მოძღვრებისაო. ამიტომ ნამდვილი მოწაფე ბუდდასი სწავლობს არა მარტო ბუდდას სიტყვებსა, არამედ უფრო მის ცხოვრებასა და ყოფა-ქცევასა. ჭეშმარიტი მოწაფეობა იმაში მდგომარეობსო, რომ სავსებით შეიგნო შინაგანი აზრი მოძღვრებისა და იმისდაკვალადაც იცხოვროვო... ასე უხსნიან და ასწავლიან ხალხს ბუდდას მოძღვრებას იაპონელი მეცნიერები. თამამად შეიძლება ითქვას, რომ იაპონელებში სავსებითაა დაცული და განხორციელებ-

ბული ბუღდას მოძღვრება მის პირვანდელი სახით.

ბუღდა ასწავლიდა, რომ ტაძრები საჭირო არ არისო და მოგვთა ღვთის-მსახურებაც მეტიაო. ამიტომ ინდოეთის ბუღდისტები სრულიად არ აშენებენ ტაძრებსა და არც ღვთის-მსახურებას ასრულებენ.

მეცნიერები უწოდებენ ბუღდას აზიის ნათესს, რადგანაც მან პირველმა ნათელ ჰყო აზიის ერთი ძმოხისა, თანასწორობისა და მშვიდად-მყოფობის სიყვარულითა. ეძახიან აგრეთვე საკია-მუნს, რაიცა ნიშნავს—განდეგილი საკიების გვარიდამ, მაგრამ ყველაზე ხშირად მას უფრო ბუღდად და განნათლებულად უწოდებენ.

ბევრი ბრძენი და მოაზრე მოჰვლენია კაცობრიობას თვისს ხანგრძლივ ცხოვრებაში, მაგრამ განნათლებული ბუღდა მათ შორის უდიდესია...

ივანე როსტომაშვილი.

